



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎԻ
ԳԼԽԱՎՈՐ ՔԱՐՏՈՒՂԱՐ

Հայաստանի Հանրապետություն, 0010, ք. Երևան, Տիգրան Մեծի 4, հեռ.՝ (+374 60) 830 840, (+374 60) 830 850

Էլ-փոստ՝ info@competition.am, վեբ կայք՝ <http://www.competition.am>

«27» 04 2023թ.

No 003641

«ԳՐՏՆԱԿ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ
ԸՆԿԵՐՈՒԹՅԱՆ ԵՎ ՄԻՔԱՅԵԼ ԳՅՈՒԼԱՍԱՐՅԱՆԻ ՆԵՐԿԱՅԱՑՈՒՑԻՉ
ՊԱՐՈՆ ՄԻՔԱՅԵԼ ԴԱՆԻԵԼՅԱՆԻՆ
(հասցե՝ ք. Երևան, Չարենց 58-1)

Հարգելի՛ պարոն Դանիելյան,

Կից ուղարկվում է Մրցակցության պաշտպանության հանձնաժողովի (այսուհետ՝ **Հանձնաժողով**) 2023 թվականի ապրիլի 25-ի ««Նատուռալ Ֆուդս» սահմանափակ պատասխանատվությամբ ընկերության կողմից տնտեսական մրցակցության բնագավառում իրավախախտման վերաբերյալ վարույթ հարուցելու մասին» թիվ 191-Ա որոշման պատճենը:

Միաժամանակ տեղեկացնում ենք, որ Հանձնաժողովին փաստաթղթեր ներկայացնել և ստանալ, ինչպես նաև Հանձնաժողովի հետ հետագա ողջ հաղորդակցությունը կարող եք իրականացնել նաև առցանց՝ Հանձնաժողովի e-Compete էլեկտրոնային համակարգի (այսուհետ՝ **Համակարգ**) միջոցով, որի համար անհրաժեշտ է գրանցվել Համակարգում՝ մուտք գործելով Հանձնաժողովի պաշտոնական կայքի (www.competition.am) «Իմ էջը» բաժին, ընտրելով «Գրանցվել» հրամանը և լրացնելով անձի նույնականացման համար պահանջվող տվյալները:

Առդիր՝ «3» թերթ:


ՀԱՐԳԱՆՔՈՎ՝

ԱՇՈՏ ՎԱՀԱՆՅԱՆ

Կապարող՝ Քրիստինե Սարգսյան

Անբարեխիղճ մրցակցության վերահսկողության վարչություն

Հեռ. (+374 60) 830-840 (244)



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎ

Ո Ր Ո Շ ՈՒ Մ

25 ապրիլի 2023 թվականի թիվ 191-Ա

«ՆԱՏՈՒՌԱԼ ՖՈՒԴՍ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ԿՈՂՄԻՑ ՏՆՏԵՍԱԿԱՆ ՄՐՑԱԿՑՈՒԹՅԱՆ ԲՆԱԳԱՎԱՌՈՒՄ ԻՐԱՎԱԽԱԽՏՄԱՆ ՎԵՐԱԲԵՐՅԱԼ ՎԱՐՈՒՅԹ ՀԱՐՈՒՑԵԼՈՒ ՄԱՍԻՆ

Մրցակցության պաշտպանության հանձնաժողովը (այսուհետ նաև՝ **Հանձնաժողով**) 2023 թվականի ապրիլի 25-ի նիստում, քննարկելով «Նատուռալ Ֆուդս» սահմանափակ պատասխանատվությամբ ընկերության (այսուհետ նաև՝ **Ընկերություն**) կողմից տնտեսական մրցակցության բնագավառում իրավախախտման վերաբերյալ վարույթ հարուցելու մասին հարցը,

Պ Ա Ր Զ Ե Ց

Հանձնաժողովի 2023 թվականի փետրվարի 28-ի ««Նատուռալ Ֆուդս» սահմանափակ պատասխանատվությամբ ընկերության նկատմամբ պատասխանատվության միջոց կիրառելու մասին» թիվ 101-Ա որոշմամբ (այսուհետ նաև՝ **թիվ 101-Ա որոշում**) Ընկերությանը հանձնարարվել է 5 (հինգ) աշխատանքային օրվա ընթացքում շտկել օրենքի խախտումը՝ դադարեցնել բոլոր եղանակներով «ԳՐՏՆԱԿ» բառը պարունակող ապրանքային նշանի օգտագործումը:

Թիվ 101-Ա որոշումը Հանձնաժողովի գլխավոր քարտուղարի 2023 թվականի մարտի 2-ի թիվ 1865 գրությամբ ուղարկվել է Ընկերության իրավաբանական, գործունեության և տնօրենի հասցեներով: Թիվ 1865 գրությունը ստացվել է Ընկերության տնօրենի հասցեում, իսկ իրավաբանական և գործունեության հասցեներից ետ է վերադարձվել «անհայտ» նշումով:

Թիվ 101-Ա որոշումը <http://www.azdarar.am> կայքում և Հանձնաժողովի <http://www.competition.am> կայքում հրապարակվել է 2023 թվականի մարտի 28-ին, ուստի այն ուժի մեջ է մտել 2023 թվականի ապրիլի 3-ին:

Ընկերությունը Որոշման 3-րդ կետի 1-ին ենթակետով տրված հանձնարարությունը պետք է կատարեր մինչև 2023 թվականի ապրիլի 10-ը ներառյալ,

սակայն Ընկերության կողմից հանձնարարության կատարման մասին տեղեկություններ հայտնի չեն: Ավելին, ի պատասխան Հանձնաժողովի 2023 թվականի փետրվարի 14-ի թիվ ԱՎ/124-2023 և 2023 թվականի մարտի 17-ի թիվ ԳԳ/141-2023 գրությունների ՊԵԿ-ը հայտնել է, որ ք. Երևան, Երևան-Սևան մայրուղի 1/2 հասցեում գործող «Գրտնակ Թոնրատուն» անվանումով առևտրի օբյեկտում գործունեություն իրականացնող Ընկերությունում իրականացվել է ուսումնասիրություն:

Միքայել Ռաֆայելի Գյուլասարյանը և «Գրտնակ» սահմանափակ պատասխանատվությամբ ընկերությունը 2023 թվականի ապրիլի 17-ին Հանձնաժողով են ներկայացրել գրություն (այսուհետ նաև՝ **Հաղորդում**)՝ հայտնելով, որ Ընկերության կողմից տարբեր միջոցներով շարունակվում է «ԳՐՏՆԱԿ» բառը պարունակող ապրանքային նշանի օգտագործումը՝ ներկայացնելով ապացույցներ:

Հանձնաժողովի նախագահի 2023 թվականի ապրիլի 19-ի «Արտաքին դիտում իրականացնելու մասին» թիվ 49-Ա հրամանի հիման վրա «Գրտնակ Թոնրատուն» անվանումով ֆեյսբուքյան և ինստագրամյան էջերում իրականացվել է արտաքին դիտում, որի արդյունքում 2023 թվականի ապրիլի 20-ին կազմվել է «Արտաքին դիտման արդյունքների վերաբերյալ» թիվ 49 արձանագրությունը (այսուհետ նաև՝ **թիվ 49 արձանագրություն**):

Թիվ 49 արձանագրության համաձայն՝ «Գրտնակ Թոնրատուն» անվանումով ֆեյսբուքյան և ինստագրամյան էջերում օգտագործվում է «Գրտնակ» բառը պարունակող ապրանքային նշանը:

Օրենքի 37-րդ հոդվածի 1-ին մասի 3-րդ կետի համաձայն՝ Հանձնաժողովը հարուցում է տնտեսական մրցակցության բնագավառում իրավախախտման վերաբերյալ վարույթ և սույն օրենքը խախտելու համար տնտեսավարող սուբյեկտներին, պետական մարմիններին և նրանց պաշտոնատար անձանց ենթարկում է պատասխանատվության՝ հանձնարարելով իր սահմանած ժամկետում շտկել խախտումը և հետագայում բացառել այն:

Օրենքի 99-րդ հոդվածի 1-ին կետի համաձայն՝ Հանձնաժողովի որոշումները, դրանցում սահմանված պայմանները, պարտավորությունները և տրված հանձնարարությունները պարտադիր են դրանց հասցեատերերի համար և ենթակա են կատարման Հայաստանի Հանրապետության ամբողջ տարածքում:

Օրենքի 101-րդ հոդվածի 1-ին մասի համաձայն՝ Հանձնաժողովի որոշմամբ սահմանված պայմանները, նախատեսված պարտավորությունները և տրված հանձնարարությունները որոշումն ուժի մեջ մտնելու օրվանից ենթակա են անհապաղ, սակայն ոչ ուշ, քան որոշման մեջ սահմանված ժամկետում կատարման, և որոշման բողոքարկումը չի կասեցնում որոշման գործողությունը կամ կատարումը:

Օրենքի վկայակոչված իրավադրույթների բովանդակային վերլուծությունից հետևում է, որ Հանձնաժողովն իրավունք ունի տնտեսավարող սուբյեկտին հանձնարարել շտկելու Օրենքի խախտումը՝ սահմանելով հանձնարարության կատարման ժամկետ, իսկ տնտեսավարող սուբյեկտը պարտավոր է կատարել Հանձնաժողովի հանձնարարությունը՝ դրանում նշված ժամկետում:

Նման պայմաններում Ընկերության վարքագծում առերևույթ կարող են առկա լինել թիվ 101-Ա որոշմամբ տրված հանձնարարության չկատարման հատկանիշներ:

Օրենքի 92-րդ հոդվածի համաձայն՝ տնտեսական մրցակցության բնագավառում իրավախախտման համար Հանձնաժողովն իրավասու է տնտեսավարող սուբյեկտներին, պետական մարմիններին և դրանց պաշտոնատար անձանց տալու նախազգուշացում կամ նշանակելու տուգանք:

Օրենքի 93-րդ հոդվածի 12-րդ մասի համաձայն՝ տնտեսավարող սուբյեկտի կողմից Հանձնաժողովի որոշմամբ ամրագրված խախտումները սահմանված ժամկետում չդադարեցվելու կամ չշտկվելու կամ որոշմամբ նախատեսված պայմանները, պարտավորությունները կամ հանձնարարությունները սահմանված ժամկետում չկատարվելու համար նշանակվող տուգանքի չափը կազմում է մինչև հինգ միլիոն դրամ:

Հաշվի առնելով վերոգրյալը՝ Հանձնաժողովն անհրաժեշտ է համարում Ընկերության կողմից տնտեսական մրցակցության բնագավառում իրավախախտման հատկանիշների առկայությունը պարզելու նպատակով հարուցել վարույթ:

Հիմք ընդունելով վերոգրյալը և ղեկավարվելով Օրենքի 76-րդ հոդվածի 1-ին մասի 1-ին կետով, 79-րդ հոդվածի 3-րդ մասի 1-ին կետով, 83-րդ հոդվածի 1-ին մասով, 42-րդ հոդվածի 2-րդ մասով՝ Հանձնաժողովը

Ո Ր Ո Շ Ե Ց

1. «Նատուռալ Ֆուդս» սահմանափակ պատասխանատվությամբ ընկերության կողմից տնտեսական մրցակցության բնագավառում իրավախախտման վերաբերյալ հարուցել վարույթ:

2. Սույն որոշումն ուժի մեջ է մտնում ընդունման պահից:

ՆԱԽԱԳԱՀ

2023 թ. ապրիլի 25
Երևան

Գ. ԳԵՎՈՐԳՅԱՆ

